

یا زان: ساوه نین خرقان بخشی نین بندا میر
کندیندن بیرینجی درجه لی عدلیه وکیلی
علی کمالی .

ساوه تورکلرینه بیر نظر

و

(آشیم)

"ساوه" بیر تورک سردارین آدی ایتمیش کی، آدلیم پهلوان رستم ایلم ساواشیب. "سنجر"، ایرانین تورک، هنرپرور سلطان ساوه یا خینلیقینده بیر ساواشادوشوب. ۶۹۷ هـ - ق ایلمنده ساوه لی "خواجه سعدالدین محمد مستوفی" غازان خان ایلمانی نین وزیرلیگینه و دیوان صاحبلیقینه یشتیشیب، و بو ساوه لی وزیر "خواجه رشیدالدین فضل الهطیب همدانی" نی اوزونه نایب ائله ییب، و اونو بو یودوب و دونیاده آدلیم اولماقینه چوخ خدمت ائله ییب. "ساوه لی سلمان" بغداددا، تورک ایلمانی لره بیر عمر سرای شاعری، و دئماق اولار "ناظم مورخ" اولوب و بوتورکلرین حمایت دیوارلاری نین کولگه سینده دوران سوروب. "ساوه" ائله قدیم زمانلاردان عراق عجم شهرلریندن بیری اولدوغونا، و یوللار قاباقیندا قرار دوتدوغونا گوره، بیر اهمیتلی شهر ایتمیش.

مادلار دوره سینده، کی هگمتانه (همدان)، یا خلیفه لر عهدلرینده کی دمشق و بغداد پایتخت و دارالخلافه ایتمیشلر، ساوه، او مرکز لرین شرق سمتینه گئدهن، توقف مراکزیندن ایتمیش و ایلمانیلار زمانینده کی "سلطانیه" وصفوی لرین بعضی سی نین عهدینده "قزوین" و صورادان دا "اصهان" و قاجار لر عهدیندن بویانا "تهران" پایتخت ایتمیش، گئنه ساوه بومهم پایتخت لرین یوللاری نین باشیندا قرار ی واریتمیش، و "ساوه" لفظی نین بیر آیری معناسیده کی "باچ آماق" گلیب موقعیتینه گوره مسمی سیزدگیلیمیش.

"ساوه" حضرت معصومه علیها سلام قم شهرینده دفن اولوناندان بویانا اونون زائرلرینه قوللوق ائله یین شهرلردن دیر.

یوخاریدا دئییلن علتله گوره، ساوه ایجاد اولونالی بیر گنجیدنقطه سی ایتمیش و صفوی لر زمانینده یا خشی آبادانلیق ایتمیش و شاه عباس ایرانلیلرین اعلایه دیلملی تورک سلطانلی، ساوه نین قبله سمتینده بیر قدیمی بندی تعمیر ائله ییب، نجه کی هله ده اونا "شاه عباس بندی" دئییرلر. (۱)

۱- ساوه شهری حقیقته بیر آیری جا گئنیش مقاله ایله چیخیش ائده جه بیک .

ساوه ، وقومون بېرچوخ كندلري نين اهاليسي تورك دولر . اگرگورونوركي قومون گون چيخان طرفينده تورك يوخ ، بوناگوره دپيركي ، قم ايله تربت جام و تربت حيدريره شهرلري نين آراسي دوز كوهرى دير ، و بو آرا ، اصلا انسان حياتينه اويفون گلمير والا ، توركلر اوز گرگين امكلري ايله او اراضىنى ده آهاد ائلدیلر .

اگر بوگون ايسته يك ساوانين تاريخينه درين ، و جغرافى سينه ينگين باخاق ، قوملار ، طايفالار ، ائللر ، ديئلر و دپنلر باره سينده كچن قرنلرين ايزلري گورونور .

ديل جهتينده دئمك اولوركي ، ساوه شهرينين قديم جمعيتى بېر مخصوص فارس لهجه سى ايله دانيشيرلار ، ولى بو آخرلرده تورك كندلردن او شهره چوخ كوچوبلر و بو خاطره كميت ده ده توركلر حتى شهرين اوزونده فارسلا راحقه شيبلر ، و بشش - اون فارس لهجه لى كنددن سئواى ، ساوه نين بوتونه يوخون كندلري - نين اهاليسي تورك دولر .

قاراچاي اطرافينده بير عده ده كورد وارديلركي ، ياخين كچن زمانلاردا اوردا اسكان وئريليبلر و بېر تعداددا قياده موقت كوردلريندن سابق رژيم وسيله سى ايله شهرين بېر بوجا قيندا يخرله شبلر ، و بير عده ده افغان مهاجرلريندن بومون ايللرده ساوه يه گليب و ، اورادا چاليشيرلار .

ساوه نين نئچه كندينده بير عده "على اللهى" و بېر آزدا ارمنى - مسيحي وارديلار ، ولى ۹۹% ساوه شهرستانى نين جمعيتى شيعه ديئر .

اوزمان كى ساوه دن اوردو فوجلري يخرىيه رميش ، اوچ فوج آدليم و حاضر يراق ايميش ، بېرىسى فوج بيات كى ساوه نين ايندىكى تورك ديلى زرنده بخشى نين و بېر آزدا مزلقان كندلريندن كى مزلقان - بيات كندلرينه معروف ديئر ، يولادوش رميش ، و بو فوجين سر كرده لري معمولازرنده بخشينده زاويه و ماموينه كندلرينده اوتوراق ايميشلر ، نئجه كى ايندى "بيات" كلمه سى زرنده ، و زرنده شهر يارا گلن لر ايچينده بېر بو يوگ فاميل آدى دير (۱) بېر فوجده بغدادى شاه سئوه نلرين ائليندن يولادوش رميش كى بونلار چوخ قابل و ، اردملى ايميشلر . نظره گلميركي ، ساوه ده ، تورك بغدادى ائللرينه مشهور اولان شاه سئوه نلر ، بغداد وار بيل و موصل و كر كوك اطرافينده وقره - قويونلو و آق قويونلو آدينه حكومه يفتيشن ائللردن گلميش و آيرىلميش

اولالار . جالب دیرکی، بواقلرله یاشی، بیر "عرب" اقلی ده ساوه منطقه سینه
گلیب وساهه ده "عرب شاهسوه ن" آدینه آدلانیب وتورکله شیب ، ایندی ، او
عربلرده تورکی دانیشیرلار .

ساره نین تورک - بغدادی شاهسوه ن اقلری نین معروف طایفالاری
بولاردیلار: یارجانلو، ساتلو، قوونلو، الیقورتلو، موصولو، احمدلو، اینانلو
کوسه لو، علیلو تیره سی، بهار انلو، یخه وزیراشلو، شیخلو، دولت وند، جلیلونند،
کلوند، جلالوند تیره سی، کلوند "رغنی تیره سی" وکلوند جلال، کی موصولولاری -
آدلاریندان معلوم دورکی موصل دن گلیبلر، البته بوگون موصل اؤزوده کرکوک
کیمین عراق عرب اولکە سی نین بیات - تورک نشین مرکز لریندن دیر، ویاد
دگیل، نهجه کی فضولی بغدادی ده تورکلرین "بیات" قولوندان دیر .
بواقلردن حربی خدمت ده وقشون حصه لرینده ، بیرچوخ آدلی - سانلی سر -
کرده لر و سردارلار ظهوره گلیب وایکید اوغلانلاری دشمنلر قارشسیندا
دوشلرین قالخان اقله ییبلر .

ساره تورکلری نین بیرجمعی ده " بیگدلی" طایفاسی دیرکی، بواقلین اول
شرق دن غربه یوروشو، وصورادان روم دا وشام دا اسکان اولوندوقدان، شرقه
مثیل لری وبالاخره بیرقسمتی ایرانین غرب وشمال خطه لرینده ساکنا ولما قلا^{ری}
بیرمفصل تاریخیه وار دیرکی بو داریشرده سیغیشماز . بو طایفانین بیرقولو، -
ساره ایلن قم شهرستان اراضی سینده ساکن اولوبلار ومدنیت ونجابت بابتیندا
دئمک اولورکی منطقه ده مشخص دیلر، وکچن ایاملاردا، قدرت لرینه ، و آیری
اقلره گوره، خلقه ظلمه لری یختیشمه ییب (۱) .

ایرانین آدلی - سانلی طایفالاریندان مزلقانین مرغی ونوبران کنند -
لرینده ومزلقانین بیات منطقه سینده " سامان" آدلی کننده قاجارلار وتر^{کمن}
لردن نشانه ورگه لر گورسه نیب .

کچمیشده ساره نین اردو قسم لری نین چوخ آدلیم فوجی فوج "خلج" ایمیش .
خلج، تورکستان طایفالاری نین، (اوغوزلارین) بیریسیندن دیر، کی، اونون
باره سینده ناسخ التوار یخده یازیلیب کی: افغانلار شام حدودینین مسلمان -
لاریندان بیرجماعت دیلرکی بعضی چتینلیکلره گوره، کؤچوب وخلج و کماری
طایفالارینا سیغیناق اولوبلار، وافغانلار، هردن، هندسلطانلاری نین تعرضینه

۱ - چون آقای دوکتور غلامحسین بیگدلی، "بیگدلی" طایفاسی حقیقته یثنی
بیرتحقیقی اثرها ضرایبیرلار، بونا گوره عزیزا و خوجولاره اختصارا معلونات وئردیک

معروض قالاندا خلج لر اولارا سیغیناق و ثریبلر، خلج لرین چوخ سرکرده لریندن هندوستاندا، و تورکستاندا حکومت و سلطنت ائله ییبلر، نئجه کی علاء الدین خلج و امیر حسین، کی بوباره ده "روضه الصفا" یازمیخلی، امیر تیمور، اوز بئویوک مقصدینه بیئتیشیب و دونیانی آماقدان اوترو، امیر حسین خانواده - سیلن و صلتی صلاح بیللیب و اونون باجیسی ایله ائوله نیب و تورکستاندا کوره کنه معروف اولوب، آنجاق امیر حسینی اولدوروب و خلج طایفاسی نین چوخ اولدوغونا گوره اولاردان قورخوب، اونلاری داغیدیب، تخته قاپسی ائله ییب، و هرتیره نی بیرو لایته یوللاییب. اما خلج لرین بیر طایفاسی ناسخالتواریخین "سهراب خلج" حالاتینده یازدیغی کیمی، تورکستاندان کؤچوب (قاچیب) و فارس کورغزی نین (خلیج) شمال ساحل لرینده اوتراق ائله ییب و قشقائی (قاشقائی - قاققائی = فراری) آدلانیبدیر.

امیر تیمور، فقط امیر حسینی اوز طایفاسینی ساوه یه یوللاییب و اوردا سکونت و ثریب. عبدالله مستوفی قا جاریه اداره تاریخی نین ۳ نجو جلدینده " یازیب: " ۱۳۱۱ هـ - ق ده خلج فوجونون سرتیپی احمدخان سیف الممالک و اودا، مزلقانین چرم کندینده ساکن ایدی". و اضافه ائدی رکی، احمدخان سیف الممالک قدیم افسر لر تیپیندن و حاجی میرزا حسین خان سپهسالارالینده تربیت اولانلار دان ایتمیش. استنباط اولونورکی، ایراندا ساوه خلج لریندن آیری خلج فوجلرده و اریتمیش، نئجه کی قشیدار لیلار زنجان دا، قشقائی لر فارس دا، و خلجستان اهالیسی قم و تفرش ده خلج دیلر.

بونئجه طایفا وائلردن سئوای کندلرین تورک جمعیتلری آیری کیچیک ائل - طایفا عنوان و آدلاری ایله، و جزئی اختلافلی لهجه لرله مشخص اولورلار ولی عمومی نشانلر مدنیت و دلیل باره سینده تمام ساوه تورکلری آراسیندا مشترک دیر.

ساوه نین معاصرتا ریخی نین جالب موضوعلاریندان بیر یسی ده "بیرم خان" مشروطه سرداری و سلطنت مدعی سی اولان سالارالدوله، محمدعلیشاهیسن قارداشی نین بیر قطعی محاربه سیدیرکی، بیرم خان گئجه لیکده توپلاری ساوه - سین "رنگرز" داغلاری اوستینه چکیب و سفده ده آلاقار انلیق اولاندا سالار قوشونونو کی ساوه نین گون باتان سمتینده، و ایکی آغا جلیقینده و "باغشاه" و "سیلیگرد" آدلارینده کندلرین آستیدا اردو قورموش ایتمیش، توپا باغلاییب و اولاردان بیر عده سی نی قیریپ و قالانینی ده قاچیرتمیشدی.

سالاراالدوله ساوه محاربه سيندن قاباق ،بهرعهه كردو لرقشون باشينا
 ييغميش وكوردستان وكرمانشاهان وهمدان وملايرشهرستانلارين آلانندان
 سورا ،ساوه نين "نوبران" و "مزلقان" كندلرينده سگيزگون وتراقا اقله ييب
 اوردو وورموشا ييميش .

'سولچك دثيه نلر دثيه رلر كي: "يئديك ،ايچديك مراد ومطلب ييميـز
 يئتيشديك" بيزده بومفصل مقدمه دن سورا ،اوزه دثيه ميزه كي كه نه مزلقان
 ونوبران قصبه لري اولسونلار ،يئتيشديك .

عزيز "وارليق" مجله سينده مرفي لي توركمن تثل يم وتوركمن محمود
 قيرم يي زين لي فقير ، مصرقان لي اكبر رزاق ي ،مسلم آبا دلي قدسي ،ساوه نين
 تورك شاعر لري حالاتينده اشاره اقله ميشيك كي ،مزلقان ،ساوه نين بخشلر
 يندن بيريسيدير كي ،بو آخر لرده بوبخشين بير قصبه سي نين آدينه خاطر كي
 "نوبران" دير ،داخي مزلقان بخشينه "مزلقان" دشيرلر ،بلكه "بخش نوبران"
 دثيرلر ونوبران بير بو يو ك كند (قصبه) دير كي ساوه ايلن همدان آراسيندا
 واقع اولوب . ياد اولونان بخشه ،سابق "مزلقان" دثيه رد يلو و علت سي ده
 بو ايميش كي نوبرانين يخونلو قوندا بير بو يو ك كند وار كي اصلا كندين
 آدي مزلقان دير و اوبخشين آدي كچن ايا مدا بو كندين آديندن گوتورو
 لوب دير . چون مزلقان كند ي نين جمعيتي چوخالار ،اونون جوارينده بير
 "احمد بيگ" آدينده شخص بير يئنگي قلعه و كند سالير و اويئنگي كند آدينه
 "احمد بيگ قلعه سي" يا "يئنگي مزلقان" قويور . بونا گوره قديم كي واصل ي
 مزلقان كند ي "كه نه مزلقان" آدلانير . دشماق اولور كي ،"كه نه مزلقان"
 و "يئنگي مزلقان" يا "احمد بيگ قلعه سي" و "نوبران" كند لري بير
 بيرينه يا پيشيقديلار و سالاراالدوله ساوه ده يپرم خان ييلن اقله ديكي آخر كي جنگندن
 قاباق ،سگيزگون بو اوچ كندده اوتراق ائلر . ماجرانين اطرافينده ،كه نه
 مزلقان كند ينده بير ۸۹ ياشلي ،"طاووس هما يونفر" آد لي قادي ن ييلن
 صاحب اقله ديكي ، او ،تعريف ائلرد ي كي سالار آتلي سي بو اوچ كندده اوردو قورا^{نده}
 جماعت بير هفته قور خودان ائو . ائشيك لر يندن قاچديلار و "ايستي جـك"
 داغلاريندا متفرق اولدولار ، بو قادي ن دثيردي سالاراالدوله ومحمد علي
 شاهين ايسته ينلري بو قوشمالاري سويلرديلر :

سالاراالدوله گفديري جنگه	يپرم آتلي سي گليري تنگه
ال اقله گينن توپ تفنگه	شاه اوغلو سالاراالدوله
سالار گلد ي بوردان كچدي	بوز بولاغلار سويون ايچدي

طا ووس خانم سويله ييردى كى، سالارالدوله قشونو، ايكي بولوك اولموشدو، و طبيلچى و دوهولچولر قشونوهيجانه گتيرماق ايچون طبيللرى و دوهوللرى دؤگوب و بىردسته دئيه ردپلر: "دورهادور محمدعليشاه" و بىردسته جواب وئره ردپلر: "خيلى تماشا، محمدعليشاه".

ايندى حربى اوردولاردان تانينميش "كهنه مزلقانلى" ميرزاداراب "آثم" وسيله ساييله قورولان يوردوموزا آشاق :

بىزه ثابت اولوب كى مزلقان = مزدقان = مزدقان = مزدگان، چوخ بؤيوك، بيليجيلر يئرى ايميش، نئجه كى اوبؤيوك بيليجيلردن بىريسي همين ميرزاداراب "آثم" دير. ميرزاداراب، شاعرليقنندن اضافا، منطقه نين بؤيوك بيليجيسى اولدوقونا گؤره، گله جك ايللرين حادثه لريني قاباقدان درك ائله ييب و خلقه بيان ائلميش و او اولكهنين ياخسى - يامانى و مهم سندلرين و ايلقارنا مه لرين يازيب - پوزماسى اونا مربوط ايميش . كهنه مزلقان كندينده آقاي على اكبرميرى و آقاي حاجى باباخان غفارى بىزه ميرزاداراب شرح حالى و آثاري نين تحقيقاتينده چوخ محبت و كمك ائله ييبلر كى تشكر ائديرىك .

دئديك كى بىز، بىر ۸۹ ياشلى "طا ووس همايونفر" آدلى قادي نيلان كى، اوزو مرحوم ميرزادارابى گوروب وحتى اونون سوزلريندن ده بىر تعدادى ياديندا قاليب، مصاحبه ائله ديك . طا ووس خانم سويلردى كى، او، ۸-۹ ياشينده يميش كى ميرزاداراب رحمته گئديب و دئماق اولور كى حدود ۸۵ ايل بوندان قاباق مرحوم آثم فوت ائله ييب و كهنه مزلقان كندينين قبرستانلىقننده تورپاقا باسدير يليب و حدود ۱۳۲۵ هـ - ق ده، مظفرالدين شاه عهدينده دونيادان گئديب . طا ووس خانم تعريف ائله دى كى، ميرزاداراب، اوجا بويلو، آغ بنيز، اوزوچكىنگ، توپ سقل، كئچه بوركلو والى عصالى ايميش . مرحوم آثم، مجلسلرين بؤيوكو، و امرونه ي ائله يه نى، و تعزیه مجلسلرينده ده، فهرست و ايش گزديره ن ايميش و يوكسك و عالى احتراملارى ۱۴ معصوم شرح حالات و تعزیه لر مجالسینه قائل ايميش .

ميرزاداراب شعرده تخلصى "آثم" ديرو مسلم آبادلى مرحوم قدسى ايله گئت - گل و اوتور - دورو و اريميش و بعضى مشترك داستانلار و مشاعره مجلسلرى بوايكي بؤيوك شاعره نسبت و فريرلر . ياشايش زمانى بابتينده، قيرمىزىنلى "فقيرى" ايلن ده همعصر ايميش .

مرحوم میرزا داراب، کلبه شہباز قیزی ام البنین ایلہ افولہ نیب و اولاردان اوچا وغلان و بیرقیز دونیا یہ گلیبلرکی، اوغلانلارین بیرسی عباس خلیلی، و، اوردو. قوللو قچوسو، و شیرازده ایمش. او، رقیہ خانم آدلی قادینیلان زواج افلہ ییب و شیرازده دونیا دن گفدیب. اما رقیہ خانم هنوز دیری دیر. متاسفانه بولاردان اوشاق قالما ییب. مرحوم آثمین بیرا وغلودا اکبر خلیلی ایمش کی، تهراند اوفات افلہ ییب. اوندان بیر رضا آدلی اوغلان وایکی قیز، بیرسی فرشته خانم و بیرسی ده شہناز خانم عملہ گلیبلر. آقای رضا خلیلی بارہ سینده دقیرلر کی یاغشی هوشلو۔ باشلی دیر، و اوز با با سینہ چشکیب، گاهدان شعرده دقیر. هله میرزا دارابین آتاسی نین و آباء و اجدادینین مشخصاتینی اله گتیرمه۔ میشیک. انشاء اله تفضلیکله بومسئله میزده حل اولونا جاق، ولی و نونا و شاقلا ر کی "خلیلی" شهرتینی اوز لرینہ اختیار افلہ ییب لر، نظرہ گلیبرکی اشخاص معمولا۔ سجل آلان زمانہ بیوک با بالاری نین آدینی شهرت انتخاب افده رمیش لر، شاید مرحوم میرزا دارابین آتاسی، یا بیوک با با سی نین آدی "خلیل" ایمش.

میرزا دارابین بیر اطاق دولو غطی کتابی و اریمش کی، کتا بلار، خانم شاهزنان میرزانین قیزی و مرحوم عبدالمحمد میرزانین کورہ کنی وسیلہ سی ایلہ بونا و نونا ساتیلیب و یا یلان ییب و آرادان گفدیب.

"آثم" نچہ مجلس تعزیه شعرلرینی یا زیب کی محلده و ازبزان و درگزین "درجزین" کندلرینده تعزیه خوانلارین وسیلہ سی ایلہ اجراء اولور. مرحوم میرزا دارابا منسوب تعزیه خوانلیق نسخه لریندن بیر دولو میجیری (صندوقچه) آقای محمد حسن احمد بیگی مرحمت افلہ ییب لر کی مطالعه و اونلارین اوستونده تحقیق اولونا جاق. عزیز" و ارلیق" مجله سی نین اوچومجو ایلینین سگیزیمجی سایینده عاشورای حسینیہ مناسب بیر مرثیہ "یا حسین" عنوانینده آثم دن منتشر افلہ دیک. گفنه بو حسینہ عاشق اولان شاعر دن حضرت امام حسین (ع) بارہ سینده بیر مرثیہ اوخویاق:

(بو تراب تک)

عزم جهاد افده نده حسین بو تراب تک
شیر فلک ایا قینه دوشدو تراب تک
تا ایستہ دی سوار اولافی الساعہ برج قوس
جنبین ذوال جناحہ آسیلدی رکاب تک
نور و حمل دولان دیلا جدی ایلہ باشینا
قاوریلدی هوت واهمه سیندن کباب تک

سلطان دین چو، خانه زینده دوتوب قرار
 برج حمل ده منزل ائدهن آفتاب تک
 گلدی کنار معرکه یه بوجلال ایملن
 تکیه و ثریبدی نیزه سینه بوترا ب تک
 سسلندی ای جماعت یاغی نولوب مگر
 جمع اولموشوز بو وادی یه فوج ذقاب تک
 ای اهل کوفه من او حسینم که جبرئیل
 پیوسته عطر آلیردی اوزومده گلاب تک
 بیرذره توز قوناندا اوزومه آنام بتول
 رخساره گوزیا شینی توکردی سحاب تک
 ای اهل کوفه من او حسینم که صبح وشام
 جدیم امردی لب لیریمی شهدنا ب تک
 آیا بوگونکی گون نه دی تقصیریم ای گروه
 یالقیزمنی آرایه آلیبسیز کلاب تک
 بیرقطره سو وثرین منه چوخ یاندی لب لیریم
 والله چیخرتوتون اوره گیمدن کباب تک
 اهل و عیال خجلیت آلمیش قـراریمی
 شرمنده لیکدن اولموشام ای قوم آب تک
 بیگس سکینه خیمه ده نی تک نوا چکر
 کیم ناله یه سالیبدی ربابی رباب تک
 اصغر چالیب آنا دوشونه بسکه دیرناقین
 قاندان اولوبدو اللری گلگون خضاب تک
 "آثم" اگرسنین اوره گینده که یوخ یارا
 جاریدی گوزیا شین نه یه بس لعل ناب تک
 "آثم" سؤزلری بیریری بیریندن شیریندیر، ملاحظه بویورون :

* کسر *

قدیوه هر دون که دور چرخ دوا ری کسر
 گئی رضا ایله که دست قدرت باری کسر
 بیرقا پینی باغلا سا حکمت، بیرین رحمت آچار
 عقل کاری هاردا بو، دریای زخاری کسر

چہر مہر تارتا رلیلی ہر لیل تار
 اور سابر ق تیغ شرق اشراق اول تاری کسر
 غار خوار خاردن گلشنہ گر گل خوار اولور
 فیرت گلچین ہر گل عزت غاری کسر
 ناخن انگشت ظلمی کس ، وگر نہ کسمہ سن
 ہرستم سر پنجہ سین آری کسر کاری کسر
 ای قلم بسدیر ، دیلین کس ، ہوقلمکاری نہ دیر ؟
 توبہ مقراضی گلندہ ہر قلمکاری کسر

"آثم ترکم" دہمترکی خطا ترک غتہ

عاقبت ترک غتہ ، ترک خطا کاری کسر

میرزا دارابین قادینی ام البنین خانم دہ ہیر جالب شخصیت میں نہ آثمین
 مذہبی ، ادبی و اجتماعی حیات میں جنبینہ ، اودا ، ہیر سلسلہ خاطرہ لردہ
 قالمالی ایشر گوروب ، یا جالب سوز لردہ بیب دیر . مثلا ہوسولچک :

" دیلنچی کی نامحرم اولماز "

نقل اولونوب ہیرگون ، میرزا دارابانودہ اگلشمیشدی ، کی ہیر دیلنچی قاپیہ
 کلیب پای ایستر ، ام البنین خانم باشی آچیق ، دیلنچی یہ پای آپاریر ، میرزا
 بویورور : نہ ایچون باش آچیق دیلنچی یہ پای آپار دین ، مگراو ، نامحرم دگیل ؟
 ام البنین جوابدہ سؤیلر : کیشی یہ باخ ا دیلنچی کی نامحرم اولماز "

مرحوم آثمین معروف اثر لری ، مذہبی ، اخلاقی و اجتماعی موضوعلار ا مر سوطدر
 واونون مخصوص علاقہ سی حضرت امام حسین علیہ السلامہ ، شعر لریندن گورسہ نیر .
 میرزا دارابین شعر لری و اثر لری بارہ سیندہ تحقیقاتی شروع اقلہ میشیک
 ساغلیق اولسا ، تفرلیگہ ایشر یمیزین نتیجہ سینی عزیز اوخوجولار نظر لرینہ
 یفتیرہ ریک واونون دیوانینی عزیز تورک اقللر یمیزہ تقدیم اقلہ ریک .

قلمدن دوشمہ سین کی مرحوم دارابین " شیرخان " آدیندا ہیر اوغلو داوار میش

کی چوخ ایگیت ، گوزہل و سسیدہ یا خشی ایمیش کہ گنجلیگ ایل لریندہ دونیا دن
 گدیر . نچہ دیر کی یا زیمیزین مونی " آثم " دن ہیر (اولما سا) عنوانیندہ شعرا و

■ اولما سا ■

حشر دہ ایمن دگیل ، ہر کسدہ ایمان اولما سا

یعنی ہر دلدہ ولای شہر یزدان اولما سا

تا ،بخاری یانماسا ،جوشه سماور گلمه سه
 چای ایله قیپ قرمیزی ،آپ۔ آق فنجان اولماسا
 نارگیل قلیان سسی ،چینی ،چپق فیسقیرقیسی
 قارا بیق آلتینده آق توستو ، نمایان اولماسا
 کرسی اوسته سفره ، رنگین اگریهن اولمایا
 آق دوگو اوسه اگر قاره فسـنجان اولماسا
 چینی کاسه دولماسا ، سرکه انگبین سردیله
 طاس کباب یانینده ظرف مرغ بریان اولماسا
 خوان ونان اولسون ، اطاق ، ایوانی اولماز ، اولماسین
 چارتاق قبردیر هراثو کی مهمان اولماسا
 اخیه و آخور گرکدیر ، اول ائوه ، بیل هرگشجه
 نور رخسار قونا قیله چراغان اولماسا
 سوز غلط دوشدو ، یشمک۔ انچمکله شاد اولماز قوناق
 ائوده تا ائوصاحیبی خوشروی و خندان اولماسا
 یهنکی اولکه لره "کهنه مزلقان" فخر اخیله مز
 کنج ویرانینده "آثم" تک سخندان اولماسا